



**C**hristopherus filius fuit illustrissimī principis Huldrici Vuirtenbergēsis, & Sabinæ Alberti ducis Bauariæ filiæ. natus est anno 1515. Cum uerò Huldricus pater à Sueuici fœderis socijs pelleret, Christopherus erat quatuor annorum puer. Hunc itaq; Vuilhelmus Bauariæ dux eius auunculus ad se recepit, atq; in bonis literis et uarijs uirtutibus honestè educauit. Postea uerò Oenipontē traductus, Ferdinandicæ ditionis oppidum, cui Vuirtenbergensis ducatus in regnorum cum Carolo fratre diuisione cesserat. In eo loco optimis præceptoribus erudiendus traditur. Cum enim solus hæres auitæ regionis esset, hoc fuisse consiliū putatur, ut ad exte

ros abductus, ordinis fieret Ecclesiastici. Erat Christopherus felici ingenio præditus. itaq; Latinam linguam ita didicit, ut eam & loqui & scribere possit, quemadmodum id aliquoties ex familiari colloquio deprehēdere potui. Verum ipse cum adoleuisset, armorum studia respicere, atq; Cæsaris aulam sequi cœpit. Cum autem postea anno 1533 Cæsar ab expeditione Turcica ex Austria in Italiam rediret, Christopherus à suis propinquis de suarum rerū statu edoctus, ex comitatu Cæsaris diuertit, & in uicinam Bauariam peruenit. Sequenti anno cum pater Huldricus, fauore regis Gallix, per Philippum Landgrauium in ducatum armis restitutus esset, Christopherus in Galliam proficiscitur, atq; se in regis clientelam tradidit. Ibi per aliquot annos regi Gallix militauit, Germanorum copijs præfuit, atq; multa uirtutis & fortitudinis suæ documenta edidit. Religionem tamen Euangelicæ doctrinæ in ijs locis professus, nullis uel minis uel precibus ab ea abduci potuit. Itaq; cum pontifex Romanus, Cæsar, & Gallus Niceæ conuentum celebrarēt, atq; funesti belli inducias facerēt, in quo rex pontifici sedenti in cathedra dextrum pedem oscularētur, atq; postea idem & reliqui proceres præstarent, Christopherus dux id facere recusauit, licet eius rei gratia seridè à Connestablio admoneretur. Eius exemplū & cæteri Germani proceres, qui Gallo militabant, secuti sunt, magna Galorum admiratione. erat id anno 1539.